

後漢書

第七卷 桓帝
 第六卷 順帝 冲帝 質帝
 第四本 帝紀

太政官文庫				漢書
六〇	一四	二三	一一	一〇
冊	架	函	冊	冊

内閣文庫			
六〇	一四	二三	一一
冊	架	函	冊

内閣文庫	
番號	漢 1102
冊數	60 (4)
函號	280 1




綴じ部（喉部分）の文字等が開きが不鮮明な箇所あり

冲賀帝紀第六

范擘

後漢書六



頌皇帝諱保

諡法曰慈和編服曰頌伏
侯古今日保之字日守安

帝之子也母李氏為閹皇后所害永寧元年

立為皇太子延光三年安帝乳母王聖大長

秋江京

前書曰長秋皇后官李秦官將行也
景帝更名各長秋或用中人或用士

與中用官者中常侍樊豐譖太子乳母王

男尉監邴吉殺之太子數為歎息王聖等懼

有後禍遂與豐京共構陷太子太子坐廢為

濟陰王明年三月安帝崩北鄉侯立濟陰王

以廢黜不得上殿親臨梓宮悲號不食內外

群僚莫不哀之及北鄉侯薨車騎將軍閻顯

及江京與中常侍劉安陳達等白太后祕不

發喪而更徵立諸國王子乃閉宮門屯兵自

守十一月丁巳京師及郡國十六地震是夜

中黃門孫程等十九人十九人見共斬江京

劉安陳達等迎濟陰王於德陽殿西鍾下漢

儀曰崇賢門內德陽殿也即皇帝位年十一近臣尚書以

下從輦到南宮登雲臺召百官尚書令劉光

等奏言孝安皇帝聖德明茂早棄天下陛下

正統當奉宗廟而姦臣交構遂令陛下龍潛

蕃國從太子廢為王故曰龍潛蕃國群僚遠近莫不失望天

命有常北鄉不永漢德盛明福祚孔章孔甚也

明也近臣建策左右扶翼內外同心稽合神明

陛下踐祚奉遵鴻緒為郊廟主承續祖宗無

窮之烈上當天心下厭民望而即位倉卒典

章多缺請條案禮儀分別具奏制曰可乃召

公卿百僚使虎賁羽林士屯南北宮諸門漢官

儀曰書稱虎賁三百人言其猛怒如虎之奔
赴也孝武建安三年初置期門平帝元始元
年更名虎賁郎又武帝太初元年初置建章
營騎後更名羽林以天有羽林之星故取名
焉取從軍死士之子孫養羽林官教以五
兵號曰羽林孤兒光武中興以征伐之士勞
苦者為之故
閻顯兄弟聞帝立率兵入北宮
尚書郭鎮與交鋒刃遂斬顯分衛尉景戊午
遣使者入省奪得璽綬乃幸嘉德殿遣侍御
史持節收閻顯及其弟城門校尉耀執金吾
晏並下獄誅已未開門罷屯兵壬戌詔司隸
校尉惟閻顯江京近親當伏辜未其餘務崇
寬貸壬申謁高廟癸酉謁光武廟乙亥詔益

州刺史罷子午道通褒斜路予午道平帝時
記曰子午長安正南山名秦嶺谷一名樊川

褒斜漢中谷名南谷名褒北谷名斜首尾七
百里已卯葬少帝以諸王禮司空劉授免東觀
記曰

二月甲申以少府河南陶敦為司空敦字文
理京縣

也其令郡國守相視事劉放曰案他處上
有詔語則下有其令
未滿歲者一切得舉孝廉

吏漢法視事滿歲乃得舉今帝親即
位施恩惠雖未滿歲得令舉人癸卯尚

書奏請下有司收還延光三年九月丁酉以
皇太子為濟陰王詔書奏可京師大疫辛亥
詔公卿郡守國相舉賢良方正能直言極諫
之士各一人尚書令以下從輦幸南宮者皆
增秩賜布各有差

永建元年春正月甲寅詔曰先帝聖德享祚
未永早棄鴻烈茲慝緣開人庶怨譴上于和
氣疫癘為災朕奉承大業未能寧濟蓋至理
之本稽弘德惠蕩滌宿惡與人更始其大赦

天下賜男爵人二級為父後三老孝悌力
田人三級流民欲自占者一級鰥寡孤獨篤
癯貧不能自存者粟人五斛貞婦帛人三匹

坐法當徙勿徙亡徒當傳勿傳徙囚逃亡當
傳捕者放之

勿捕宗室以罪絕皆復屬籍其與閭顯江京等

交通者悉勿考勉修厥職以康我民辛未皇
太后閻氏崩辛巳太傅馮石太尉劉熹司徒

李邵免馮石字次初東觀記曰馮劉以
阿黨權貴李邵以人多疾疫免二月

甲申葬安思皇后丙戌太常桓焉為太傅大

鴻臚朱寵為太尉參錄尚書事長樂少府九

江朱儀為司徒朱寵字仲威京兆杜陵人朱儀字孫卿壽春人也儀音母

良賜百官隨輦宿衛及拜除者布各有差劉

發日案文云及拜除者隨輦宿衛者乃賞功拜除者未知何謂蓋傳寫之誤當云賜百官

隨輦宿衛拜除者布各有差拜除謂已隴西

鍾羌叛護羌校尉馬賢討破之夏五月丁丑

詔幽并涼州刺史使各實二千石以下至黃

綬實謂驗實功也二千石太守也黃綬丞年

老劣弱不任軍事者上名嚴勅障塞繕設屯

備立秋之後簡習戎馬六月己亥封濟南王

錯子顯為濟南王秋七月庚午衛尉來歷為

車騎將軍八月鮮卑寇代郡太守李超戰歿

九月辛亥初令三公尚書入奏事冬十月辛

巳詔減死罪以下徙邊其亡命贖各有差丁

亥司空陶敦免鮮卑犯邊庚寅遣黎陽營兵

出屯中山北界告幽州刺史其令緣邊郡增

置步兵列屯塞下調五營弩師郡舉五人令

教習戰射射調選也五營五校也謂長水步兵射聲胡騎車騎等五校尉也劉

放曰正文案調五營督師何為更言舉明此
舉字是與字一郡與五人教習也○又注案
此五校之名大誤檢百官志有屯騎越騎步
兵長水射聲今此誤云胡騎車騎當改胡作
屯車作越且二漢有車騎將軍及騎都尉官
耳無車騎校尉也又胡騎中興長水矣所以
知非章懷之誤者安紀未初三
年注五校引用漢官儀甚明
皓為司空甲辰詔以疫癘水潦令人半輸今
年田租傷害什四以上勿收責不滿者以實
除之十二月辛巳賜王主貴人公卿以下布
各有差

二年春正月戊申樂安王鴻來朝丁卯常山

王章薨二月鮮卑寇遼東玄菟甲辰詔稟貸
荆豫兖冀四州流冗貧人所在安業之疾病
致醫藥護烏桓校尉耿曄率南單于擊鮮卑
破之三月旱遣使者錄囚徒疏勒國遣使奉
獻夏六月乙酉追尊謚皇妣李氏為恭愍皇
后葬于恭北陵西域長史班勇敦煌太守張
朗討焉耆尉犁危須三國破之並遣子貢獻
秋七月甲戌朔日有食之壬午太尉朱寵司
徒朱伉罷庚子太常劉光為太尉錄尚書事

光祿勳許敬為司徒

劉光字仲遠即太尉劉矩之弟許敬字鴻卿平

與辛丑下邳王成薨

三年春正月丙子京師地震漢陽地陷裂甲

午詔實覈傷害者賜年七歲以上錢人二千

一家被害郡縣為收斂乙未詔勿收漢陽今

年田租口賦夏四月癸卯遣光祿大夫案行

漢陽及河內魏郡陳留東郡稟貸貧人六月

旱遣使者錄囚徒理輕繫甲寅濟南王顯薨

秋七月丁酉茂陵園寢災帝縞素避正殿兩

日縞者曰縞之精白者曰縞辛亥使太常王龔持節告祠

茂陵九月鮮卑寇漁陽冬十二月己亥太傅

桓焉免東觀記曰無清令辟召策罷是歲車騎將軍來歷

罷

四年春正月丙寅詔曰朕託王公之上涉道

日寡政失厥中陰陽氣隔寇盜肆暴度獄弥

繁憂悴永歎疾如疾首詩云君子如祉亂庶

遘已解見三朝之會朔且立春嘉與海內洗

心自新其赦天下從甲寅赦令以來復秩屬

籍三年正月已來還贖其閭顯江京等知識

婚姻禁錮一原除之妻父曰婚娶父曰務崇寬

和敬順時令遵典去苛以稱朕意丙子帝加

元服也冠賜王主貴人公卿以下金帛各有差

賜男子爵及流民欲占者人一級為父後三

老孝悌力由人二級鰥寡孤獨篤癯不能自

存帛人一匹二月戊戌詔以民入山鑿石發

洩藏氣勅有司檢察所當禁絕如建武永平

故事夏五月壬辰詔曰海內頗有災異朝廷

修政太官減膳珍玩不御而桂陽太守文龔

音力不惟竭忠宣暢本朝而遠獻太珠以求

幸媚今封以還之五州雨水秋八月庚子遣

使實覈死亡收斂稟賜丁巳太尉劉光司空

張皓免東觀記曰以陰陽不和久託病策免九月復安定北地

上郡歸舊土安帝永初五年徙今復之癸酉大鴻臚龐參

為太尉錄尚書事太常王龔為司空冬十一

月庚辰司徒許敬免東觀記曰為陵轅使官策罷以千石祿然身

劉放曰註陵轅使官案文官當作者鮮卑寇朔方十二月乙卯

宗正劉崎為司徒崎字叔峻華陰人也是歲分會稽為

吳郡拘彌國遣使貢獻

五年春正月疏勒王遣侍子及大宛莎車王

皆奉使貢獻夏四月京師旱辛巳詔郡國貧

人被灾者勿收責今年過更京師及郡國十

二蝗冬十月丙辰詔郡國中郎官死罪繫囚

皆減罪一等詣北地上郡安定戌乙亥定遠

侯班始坐殺其妻陰城公主腰斬始班超孫也尚順帝

姑陰城公主東觀記曰陰城公主名賢得同產皆弃市

六年春二月庚午河閒王開薨三月辛亥復

伊吾屯由章帝建初二年罷也復置伊吾司馬一人秋

九月辛巳繕起太學護烏桓校尉耿曄遣兵

擊鮮卑破之丁酉于闐王遣侍子貢獻冬十

一月辛亥詔曰連年灾潦冀部尤甚比蠲除

實傷贍恤窮匱而百姓猶有弃業流亡不絕

疑郡縣用心怠惰恩澤不宣易羨損上益下

書易益卦曰損上益下人悅無備安民則惠

懷黎人之其令冀部勿收今年田租芻藁十二月

日南、徼外、葉調國、揮國遣使貢獻東觀漢記曰

遣使師會詣闕貢獻以師會為漢歸義葉調邑君賜其君紫綬及揮國王雍由亦賜金印

紫綬揮音擅壬申客星出牽牛于闐王遣侍子詣

闕貢獻犬世

陽嘉元年春正月乙巳立皇后梁氏賜爵人

二級三老孝悌力由三級爵過公乘得移與

子若同產同產子民無名數及流民欲占著

者人一級鰥寡孤獨篤癯貧不能自存者粟

人五斛二月海賊曾旌等寇會稽殺句章郵

鄧三縣長三縣皆屬會稽郡鄧縣今越州縣也句章故城在今鄧縣西鄧故城

在鄧縣東南鄧音銀鄧音茂攻會稽東部都尉詔緣海縣

各屯兵戍丁巳皇后謁高廟光武廟詔稟甘

陵貧人大小口各有差京師旱庚申勅郡國

二千石各禱名山岳瀆遣大夫謁者詣嵩高

首陽山并桐河洛請雨首陽山在洛陽東北也戊辰雩

以比部比年水潦民食不贍詔案行粟貸勸

農功賑乏絕甲戌詔曰政失厥和陰陽隔并

冬辭宿雪春無澍雨分禱祈請靡神不祭文說

日祭設綿葛為營以祈水旱祭音誅詩曰靡神不舉深恐在所慢違如

在論語曰祭神如在今遣侍中王輔等持節分

詣岱山東海滎陽河洛盡心祈焉濟水四瀆之一河南

溢為滎澤故於滎陽祠焉三月楊州六郡妖賊章河等寇

四十九縣殺傷長吏庚寅帝臨辟雍饗射大

赦天下改元陽嘉詔宗室絕屬籍者一切復

籍粟糞列充貧民勿收今年更租口賦夏五

月戊寅阜陵王恢薨秋七月史官始作候風

地動儀時張衡為太丙辰以太學新成試

明經下第者補弟子增甲乙科負各十人前

音義曰甲科謂作簡策難問列置案上在試者意投射取而答之謂之射策上者為甲次者為乙若錄政化得失除郡國耆儒九十人

而問之謂之對策也補郎舍人九月詔郡國中都官繫囚皆減死

一等亡命者贖各有差鮮甲寇遼東冬十

月甲申望都蒲陰狼殺女子九十七人望都縣名

中山國今定州縣也章帝改曲地為蒲陰屬中山與望都相近故城在今定州北東

記亦作蒲本多作滿滿字者誤也東觀又

為不祠北岳所致詔曰政失厥中狼災為

應至乃殘食孤幼博訪其故山岳尊靈國所

擊秩而此不奉祠淫刑放濫害加孕婦也

劉放曰注本多作滿滿字者誤案文多一滿字詔賜狼所殺者錢人

三千辛卯初令郡國舉孝廉限年四十以上

諸生通章句文吏能牋奏乃得應選其有茂

才異行若顏淵子奇不拘年齒史記曰顏回曾人好學年

二十九髮盡白早死新序曰子奇年十八齊

君使之化阿至阿鑄其庫兵以為耕器出倉

廩以賑貧窮阿縣大化十二月丁未東平王敞薨庚戌

復置玄菟郡屯由六郡閏月丁亥令諸以詔

除為郎年四十以上課試如孝廉科者得參

廉選歲舉一人戊子客星出天苑辛卯詔曰

聞者以來吏政不勤故灾咎屢臻盜賊多有

退省所由皆以選舉不實官非其人是以天

心未得人情多怨書歌股肱詩刺三事尚書益稷

篇帝作歌曰元首明哉股肱良哉詩小雅曰

三事大夫莫肯夙夜邦君諸侯莫肯朝夕也

今刺史二千石之選歸任三司三司三公也即太尉司空

猶委任也其簡序先後精覈高下歲月之次

文武之宜務存厥衷庚子恭陵百丈廡灾恭陵安帝陵也廡廊屋也說文曰堂下周屋曰廡也是歲起西苑修飾宮

殿

二年春二月甲申詔以吳郡會稽飢荒貸入
種糧三月使匈奴中郎將王稠率左骨都侯
等擊鮮卑破之辛酉除京師耆儒年六十以
上四十八人補郎舍人及諸王國郎夏四月
復置隴西南部都尉官武帝元朔四年初置
隴西
詔曰朕以不德統奉鴻業無以奉順乾坤協
序陰陽灾眚屢見咎徵仍臻地動之異發自
京師矜矜祗畏不知所裁群公卿上將何以

兆縣中興以來廢
至此復置之也

已亥京師地震五月庚子

匡輔不逮奉答戒異異不空設必有所應其

各悉心直言厥咎靡有所諱戊午司空王龔

免六月辛未太常魯國孔扶為司空扶字仲淵疏

勅國獻師子封牛東觀記曰疏勒王盤遣使
文時請闕師子似虎正黃

肉隆起若封然因以名之即今之峯牛丁丑

洛陽地陷是月旱秋七月己未太尉龐參免

八月己巳大鴻臚沛國施延為太尉延字君

也鮮卑寇代郡冬十月庚午行禮辟雍奏應

鍾始復黃鍾作樂器隨月律子為黃鍾律長
九寸聲有輕重

長短度量皆出黃鐘隨月律謂月令正月律
中太簇二月律中夾鍾三月律中姑洗四月
律中仲呂五月律中蕤賓六月律中林鍾七
月律中夷則八月律中南呂九月律中無射
十月律中應鍾十一月律中黃鍾十二月律
中呂東觀記曰元和以來音戾不調復修
如舊典
纂音漢

三年春二月己丑詔以久旱京師諸獄無輕
重皆且勿考竟須得澍雨三月庚戌益州盜
賊劫質令長殺列侯夏四月丙寅車師後部
司馬率後部王加特奴等掩擊匈奴大破之
獲其季母五月戊戌制詔曰昔我太宗不顯
之德假于上下儉以恤民政致康乂朕秉事
不明政失厥道天地譴怒大變仍見春夏連
旱寇賊彌繁元元被害朕甚愍之嘉與海內
洗心更始其大赦天下自殊死以下謀反大
逆諸犯不當得赦者皆赦除之賜民年八十
以上米人一斛肉二十斤酒五斗九十以上
加賜帛人二匹絮三斤秋七月庚戌鍾羌寇
隴西漢陽冬十月護羌校尉馬續擊破之十
一月壬寅司徒劉崎司空孔授免乙巳大司

農南郡黃尚為司徒光祿勳河東王卓為司

空黃尚字伯河南郡即人也王卓字仲遼河東解人也邳音求紀反丙午武

都塞上屯羌及外羌攻破屯官驅略人畜

四年春二月丙子初聽中官得以養子為後

世襲封爵自去冬旱至于是月謁者馬賢擊

鍾羌大破之夏四月甲子太尉施延免東觀

以選舉貪汚策罷也戊寅執金吾梁商為大將軍前太

尉龐參為太尉六月己未梁王匡薨秋七月

己亥濟北王登薨閏月丁亥朔日有食之冬

十月烏桓寇雲中十一月圍度遼將軍耿曄

於蘭池續漢志曰雲中郡沙南縣有蘭池城發諸郡兵救之烏

桓退走十二月甲寅京師地震

永初元年春正月夫餘王來朝乙卯詔曰朕

秉政不明災青屢臻典籍所忌震食為重今

日變方遠地搖京師東觀記曰陽嘉四年詔朕以不德謫見于天

零陵言曰食京師不覺故此言曰變方遠劉放曰正文曰變方遠案注引東觀記曰零

陵言曰食則是遠方也言方遠無理與注皆誤各徵不虛必有所應

群公百僚其各上封事指陳得失靡有所諱

巳巳宗祀明堂登雲臺改元永和赦天下

秋七月偃師蝗冬十月丁亥承福殿火帝避

御雲臺十一月丙子太尉龐參罷十二月象

林蠻夷叛乙巳以前司空王龔為太尉

二年春正月武陵蠻叛圍充縣又寇夷道充縣屬武陵郡故城在澧州崇義縣

東北充音衝夷道屬南郡也二月廣漢屬

國都尉擊破白馬羌武陵太守李進擊叛蠻

破之二月辛亥北海王翼薨乙卯司空王卓

薨乙丑光祿勳馮翊郭虔為司空虔字君賢

夏四月丙申京師地震五月日南叛蠻攻君

府秋七月九真交阯二郡兵反八月庚子熒

惑犯南斗熒惑火星也南斗北方之宿也前書音義曰犯謂七寸內光世相及

江夏盜賊殺邾長邾縣屬江夏郡故城在今復州竟陵縣東邾音朱

冬十月甲申行幸長安所過鰥寡孤獨貧不

能自存者賜粟人五斛庚子幸未央宮會三

輔郡守都尉及官屬勞賜作樂十一月丙午

祠高廟丁未遂有事十一陵丁卯京師地震

十二月乙亥至自長安

三年春二月乙亥京師及金城隴西地震二
郡山岸崩地陷戊子太白犯熒惑夏四月九
江賊蔡伯流寇郡界及廣陵殺江都長戊戌
遣光祿大夫案行金城隴西賜歷死者年七
歲以上錢入二千一十家皆被害為收斂之除
今年田租尤甚者勿收口賦閏月蔡伯流等
率眾詣徐列刺史應志降續漢書曰志字仲
節汝南南頓人也
郡府太守王衡破斬之六月辛丑琅邪王遵

薨九真太守祝良交趾刺史張喬續漢書曰祝良字
秋七月誘日南

叛蠻降之嶺外平續漢書曰祝良字
秋七月

丙戌濟北王多薨八月己未司徒黃尚免九

月己酉光祿勳長沙劉壽為司徒壽字伯長
臨湘人也

丙戌令大將軍三公各舉故刺史二千石及

見令長郎謁者四府掾屬剛毅武猛有謀謨

任將帥者各二人特進卿校尉各一人冬十

月燒當羌寇金城護羌校尉馬賢擊破之羌

遂相招而叛十二月戊戌朔日有食之

四年春正月庚辰中常侍張逵遜政楊定等有罪誅事見梁商傳也連及弘農太守張鳳安平相楊皓下獄死三月乙亥京師地震夏四月癸卯護羌校尉馬賢討燒當羌大破之戊午大赦天下賜民爵及粟帛各有差五月戊辰封故濟北惠王壽子安為濟北王秋八月太原郡旱民庶流冗癸丑遣光祿大夫察行稟貸除更賦冬十月戊午校獵上林苑歷函谷關而還十一月丙寅幸廣成苑

五年春二月戊申京師地震夏四月庚子中

山王弘薨南匈奴左部句龍大人吾斯車紐

等叛圍美稷美稷縣屬西河郡也五月度遼將軍馬續

討吾斯車紐破之使匈奴中郎將陳龜追殺

南單于已丑晦日有食之且凍羌寇三輔殺

令長且音子余反丁丑令死罪以下及亡命贖各

有差九月令扶風漢陽築隴道塢三百所置

屯兵辛未太尉王龔罷且凍羌寇武都燒隴

關隴山之關也今名大震關在今隴州汧源縣西也壬午太常桓焉

爲太尉丁亥徙西河郡居離石

離石縣名在郡南五百九

里西河本郡平定縣至此徙於離石

上郡居夏陽朔方居五原

句龍吾斯等東引烏桓西收羌胡寇上郡立

車紐爲單于冬十一月辛巳遣使匈奴中郎

將張耽擊破之車紐降

六年春正月丙子征西將軍馬賢與日東羌

戰于射姑山賢軍敗沒安定太守郭璜下獄

死詔貸王侯國租一歲閏月鞏唐羌寇隴西

遂及三輔二月丁巳有星孛于營室三月武

都太守趙冲討鞏唐羌破之庚子司空郭虔

免丁巳河閒王政薨丙午太僕趙戒爲司空

戒字志伯蜀郡成都人也

夏五月庚子齊王無忌薨使匈奴

奴中郎將張耽大破烏桓羌胡於天山

東觀漢記曰

耽將吏兵繩索相懸上通天山

鞏唐羌寇北地秋七月甲午

詔假民有賢者戶錢一千八月丙辰大將軍

梁商薨壬戌河南尹梁冀爲大將軍九月諸

種羌寇武威辛亥晦日有蝕之冬十月癸丑

徙安定居扶風北地居馮翊十一月庚子以

執金吾張喬行車騎將軍事將兵屯三輔

漢安元年春正月癸巳宗祀明堂大赦天下

改元漢安二月丙辰詔大將軍公卿舉賢良

方正能探頤索隱者各一人頤幽深也秋七

月始置承華廐東觀記曰時以遠近獻馬衆

秩不八月南匈奴左部大人句龍吾斯與

鞬臺耆等反叛鞬音於六反丁卯遣侍中杜

喬光祿大夫周舉守光祿大夫郭遵馮羨

巴張綱周栩劉班等八人分行州郡班宣風

化舉實臧否九月廣陵盜賊張嬰等寇郡縣

冬十月辛未太尉桓焉司徒劉壽免甲戌行

車騎將軍張喬罷○劉攽曰案十一月壬午

司隸校尉趙峻為太尉大司農胡廣為司徒

峻字相師下癸卯詔大將軍三公選武猛試

用有劾驗任為將校者各一人是歲廣陵賊

張嬰等詣太守張綱降

二年春二月丙辰鄯善國遣使貢獻夏四月

庚戌護羌校尉趙冲與漢陽太守張貢擊燒

當羌於參繇破之

參繇縣屬安定郡繇音力全反

六月乙丑

熒惑犯鎮星丙寅立南匈奴守義王兜樓儲

為南單于冬十月辛丑令郡國中都官繫囚

殊死以下出緜贖各有差其不能入贖者遣

詣臨羌縣居作二歲甲辰減百官奉丙午禁

沽酒又貸王侯國租一歲閏月趙冲擊燒當

羌於河陽破之

河陽縣屬天水郡故城在今秦川龍成縣西北

十一

月使匈奴中郎將馬寔遣人刺殺句龍吾斯

十二月揚徐盜賊攻燒城寺殺略吏民是歲

涼列地百八十震

建康元年春正月辛丑詔曰隴西漢陽張掖

北地武威武都自去年九月已來地百八十

震山谷崩裂壞敗城寺殺害民庶夷狄叛逆

賦役重數內外怨曠惟咎歎息其遣光祿大

夫案行宣暢恩澤惠此下民勿為煩擾三月

庚子沛王廣薨領護羌校尉衛琚追討叛羌

破之

琚音居

南郡江夏盜賊寇掠城邑列郡討

平之夏四月使匈奴中郎將馬寔擊南匈奴

左部破之於是胡羌烏桓悉詣寔降辛巳立
皇子炳為皇太子改年建康大赦天下賜人
爵各有差秋七月丙午清河王延平薨八月
揚徐盜賊范容周生等寇掠城邑遣御史中
丞馮赦督州郡兵討之庚午帝崩于玉堂前
殿時年三十遺詔無起寢廟歛以故服珠玉
玩好皆不得下論曰古之人君離幽放而反國祚者有矣莫
不矯鑿前違審識情偽無忘在外之憂也

正也左傳曰晉侯在外十九年矣險阻
艱難備嘗之矣人之情偽盡知之矣故能

中興其業觀夫頌朝之政殆不然乎何其效

僻之多與殆近也言順帝做前
之僻不能改正也

孝冲皇帝諱炳謚法曰幼少
在位曰冲司馬

侯古今注曰炳之字曰明順帝之子也母曰虞貴人建康

元年立為皇太子其年八月庚午即皇帝位

年二歲尊皇后曰皇太后太后臨朝丁丑以

太尉趙峻為太傅大司農李固為太尉參錄

尚書事九月丙午葬孝順皇帝于憲陵在洛陽西

十五里陵高八丈廟曰敬宗是日京師及太

原鴈門地震三郡水涌土裂庚戌詔三公特

進侯卿校尉舉賢良方正幽逸修道之士各

一人百僚皆上封事已未九江太守丘騰有

罪下獄死東觀記曰騰知罪法深大懷挾蘇巧警留道路下獄死揚州

刺史尹耀九江太守鄧顯討賊范容等於歷

陽軍敗耀顯為賊所歿冬十月日南蠻夷攻

燒城邑交阯刺史夏方招誘降之王申常山

王儀薨已卯零陵太守劉康坐殺無辜下獄

死十一月九江盜賊徐鳳馬勉等稱無上將

軍攻燒城邑已酉令郡國中都官繫囚減死

一等徙邊謀反大逆不用此令十二月九江

賊黃虎等攻合肥是歲群盜發憲陵護羌校

尉趙冲追擊叛羌於鸛陰河戰死涼州姑藏縣東南有

鸛陰縣故城因水以為名

永喜元年春正月戊戌帝崩于玉堂前殿年

三歲清河王蒜徵至京師

孝質皇帝諱續諡法忠正無邪曰質日續今注曰續之字曰繼肅宗

玄孫曾祖父千乘，貞王仇祖父樂安夷王寵父勃海，孝王鴻母陳夫人，冲帝不豫，大將軍梁冀徵帝到洛陽都亭，及冲帝崩，皇太后與冀定策禁中，丙辰使冀持節以王青蓋車迎帝入南宮，丁巳封為建平侯，其日即皇帝位。年八歲，己未葬孝冲皇帝于懷陵。在洛陽西北十五里，伏侯古今注曰：高四丈六尺，周百八十三步。廣陵賊張嬰等復反攻殺堂邑江都長。堂邑縣屬廣陵郡，今揚州六合縣也。九江賊徐鳳等攻殺曲陽東城長。曲陽縣屬九江郡，在淮西之陽，故城在今濠州定遠縣西北，東城縣故城在定遠縣東南也。甲申謁高廟，乙

酉謁光武廟，二月豫章太守虞續坐賊下獄，死。乙酉大赦天下，賜人爵及粟帛，各有差還。

王侯所削戶邑，彭城王道薨，叛羌詣左馮翊梁黃降。三月九江賊馬勉誦皇帝九江都尉

勝撫討馬勉，范容周生大破斬之。東觀記曰：傳勉頭及

所帶王印鹿皮冠黃衣，諸洛陽詔懸夏城門外，章示百姓。夏四月壬申雩。

庚辰濟北王安薨，丹陽賊陸官等圍城，燒亭寺，丹陽太守江漢擊破之。五月甲午詔曰：朕

以不德託母天下布政不明每失厥中自春

涉夏大旱炎赫憂心京京爾雅曰京京憂也故得禱

祈劉放曰案文云明祀冀蒙潤澤前雖得

雨而宿麥頗傷比日陰雲還復開霽寤寐求

歎重懷慘結寤覺也寐思也詩曰寤寐永歎唯憂用老將二千石

令長不崇寬和暴刻之為乎其令中都官繫

囚罪非殊死考未竟者一切任出以須立秋

任保郡國有名山大澤能興雲雨者二千石

長吏各齋請禱竭誠盡禮又兵役連年死

亡流離或支骸不斂或停棺莫收朕甚愍焉

昔文王葬枯骨人賴其德呂氏春秋曰周文王使人掘地得死

人骸文王曰更葬之吏曰此無主文王曰有天下者天下之主今我非其主邪遂令吏以衣棺葬之天下聞之曰文王

賢矣澤及枯骨又況人中今遣使者案行

若無家屬及貧無資者隨宜賜卹以慰孤魂

是月下邳人謝安應募擊徐鳳等斬之丙辰

詔曰孝殤皇帝雖不求休祚而即位踰年君

臣禮成孝安皇帝承襲統業而前世遂令恭

陵在康陵之上先後相踰失其次序非所以

秦宗廟之重垂無窮之制昔定公追正順祀

春秋善之魯閔公立二年而薨次僖公立僖雖是閔庶兄然嘗為閔臣位次當

在閔下後文公即位乃進僖公神位居閔之上左傳曰躋僖公逆祀也定公八年經書從祀先公從順也順祀謂退僖神位

於閔下穀梁曰從祀先公貴正也其令恭陵

次康陵憲陵次恭陵以序親秩為萬世法六

月鮮卑寇代郡秋七月庚寅阜陵王代薨廬

江盜賊攻尋陽又攻盱台音吓夷今楚州縣也滕撫遣

司馬王章擊破之九月庚戌太傅趙峻薨冬

十一月己丑南陽太守韓昭坐賊下獄死東

記曰強賊一億五千萬檻車徵下獄丙午中郎將滕撫擊廣陵

賊張嬰破之丁未中郎將趙序坐事弃市東觀

記曰取錢縑三百七十五萬歷陽賊華孟自稱黑帝攻殺

九江太守楊岑滕撫率諸將擊孟等大破斬

之

本初元年春正月丙申詔曰昔堯命四子以

欽天道四子謂羲仲羲叔和仲和叔也書曰乃命羲和欽若昊天鴻範九

疇休咎有象尚書曰天乃錫禹洪範九疇孔安國注云洪大也範法也疇類

也言天與禹洛出書神龜負文而出列於背有數至于九禹遂因而第之以成九類其八

後漢書 卷之五十五

曰庶徵有休徵咎徵之應休美也咎惡也徵
驗也人君行善政則百穀用成家用平康是
休徵也政有乖失則百穀用不成家用不寧
是咎徵也休之與咎皆象人君之政故言休
咎有象也夫瑞以和降異因逆感禁微應大

前聖所重

則言君政純和則瑞氣降若逆時令則災異感所禁雖微其應乃大前

聖所重即謂唐堯欽若頃者列郡輕慢憲防

莫天箕子休咎之應頃者列郡輕慢憲防

競逞殘暴造設科條陷人無罪或以喜怒驅

逐長吏恩阿所私罰狂仇隙至今守闕訴訟

前後不絕送故迎新人離其害怨氣傷和以

致災書云明德慎罰尚書東誥之

春東作育微敬始其勅有司罪非殊死且勿

案驗以崇在寬言東作之時須育養細敬

無殺蟲胎夫飛鳥無鷹無卵慶賜遂

行無有不當書曰敬敷五教在寬王子廣

陵太守王喜坐討賊逗留下獄死二月庚辰

詔曰九江廣陵二郡數離寇害殘夷最甚此謂

年張嬰寇廣陵華孟寇九江也生者失其資業死者委尸原

野昔之為政一物不得其所若已為之尚書

弗獲則曰況我元元嬰此困毒方春戒節賑

濟之危掩骼埋胔之時施惠下及兆民又曰

掩骼埋_{此肉}鄭玄注曰為死氣逆其調比郡見

穀出稟窮弱收葬枯骸務加理卹以稱朕意

夏四月庚辰令郡國舉明經年五十以上七

十以下詣太學自大將軍至六百石皆遣子

受業歲滿課試以高第五人補郎中次五人

太子舍人又千石六百石四府掾屬三署郎

四姓小侯先能通經者各令隨家法四府掾屬諸天

將軍府掾屬二十九人太尉府掾屬二十四

人司徒府三十一人司空府二十九人漢官

左右中郎將皆秦官也此二千石三署郎皆

屬焉謂之詩家禮者謂之禮家故言各隨家法也

四姓小侯解見明紀也○劉攽曰注漢官左

右中郎將案其高第者上名牒當以次賞進

五月庚寅徙樂安王為渤海王海水溢戊申

使謁者察行收葬樂安北海人為水所漂沒

死者又稟給貧羸庚戌太白犯熒惑六月丁

巳大赦天下賜民爵及粟帛各有差閏月甲

申大將軍梁冀潛行鴆弒帝崩于玉堂前殿

年九歲丁亥太尉李固免戊子司徒胡廣為

太尉司空趙戒為司徒與梁冀參錄尚書事

太僕袁湯為司空

贊曰孝順初立時髦允集爾雅曰髦俊也郭璞注曰士中之俊

猶毛中之髦時張皓王龔靡參張衡李邵李固黃瓊之儔也匪砥匪革終

淪變習砥礪也革改也淪沒也言順帝初升天位又群賢物集不能因茲自礪改

革前非而終溺於私變迫習也謂封孫程等十九人為侯又詔中官養子聽龍封爵之類

也保阿傳上后家世及保安也阿倚也言可類也傳上謂阿母山陽君宋娥更相貨賂求

增邑土也石家謂拜后父梁商為大將軍商

軍弟不疑為河南尹冲矢未識箕弒以聰陵

初在運天緒三終言陵遲天折在於時運所

帝紀第六終 張泉王敷魚雙校

桓帝紀第七 范曄 後漢書七

孝桓皇帝諱志諡法曰克敵服遠肅宗曾孫

也祖父河閒孝王開父蠡吾侯翼順宗時開

蠡吾縣以封翼帝諱之蠡吾故母匱氏諱明

城在今瀛州博野縣西蠡音禮

吾侯之勝妻史記曰匱翼卒帝襲爵為侯本

初元年梁太后徵帝到夏門亭洛陽城北面

外有萬壽亭將妻以女弟妻音七會賀帝崩太后

遂與兄大將軍冀定策禁中閏月庚寅使冀

持節以王青蓋車續漢志曰皇太子皆安車朱班輪青蓋金華蚤故曰

王青蓋車也

迎帝入南宮其日即皇帝位時年十

五太后猶臨朝政

東觀記曰太

秋七月乙卯

葬孝質皇帝于靜陵

在洛陽東南三十里陵高五丈五尺周百三十

步齊王喜薨辛巳謁高廟光武廟丙戌詔曰

孝廉廉吏皆當典城牧民禁姦舉善興化之

本恒必由之詔書連下分明懇惻而在所翫

習遂至怠慢選舉乖錯害及元元頃雖頗繩

正猶未懲改方今淮夷未殄軍師屢出

本初元年

廬江賊攻盱台廣陵賊張晏等殺江都長盱

衆情未定也百姓疲悴困於徵發庶望群吏

惠我勞民蠲滌貪穢以祈休祥其令秩滿百

石十歲以上有殊才異行乃得參選賊吏子

孫不得察舉杜絕邪偽請託之原令廉白守

道者得信其操信音申古字通各明宗所司將觀厥

後九月戊戌追尊皇祖河間孝王曰孝穆皇

夫人趙氏曰孝穆皇后皇考蠡吾侯曰孝崇

皇冬十月甲午尊皇母偃氏為孝崇博園貴

人博本漢蠡吾縣之地也帝既追尊父為孝崇皇其陵曰博陵置園廟焉故曰博園在

今瀛州博野縣西貴人
位次皇后金印紫綬

建和元年春正月辛亥朔日有蝕之詔三公
九卿校尉各言得失戊午大赦天下賜吏更
勞一歲男子爵人二級為父後及三老孝悌
力田人三級鰥寡孤獨篤癯貧不能自存者
粟人五斛寡婦帛人三匹灾害所傷什四以
上勿收田租其不滿者以實除之二月荊揚
二列人多餓死遣四府掾分行賑給沛國言
黃龍見譙夏四月庚寅京師地震詔大將軍

公卿校尉舉賢良方正能直言極諫者各一
人又命列侯將大夫御史謁者千石六百石

將謂五官左右虎賁羽林中郎將也大夫謂
光祿大夫太中大夫中散大夫諫議大夫

博士議郎郎官各上封事指陳得失博士六掌
通古今

比六百石議郎比六百石郎官謂三中
郎將下之屬官也有中郎侍郎郎中又詔

大將軍公卿郡國舉至孝篤行之士各一人

壬辰詔州郡不得迫脅驅逐長吏長吏贓滿

三十萬而不糾舉者刺史二千石以縱避為

罪若有擅相假印綬者與殺人同弃市論丙

午詔郡國繫囚減死罪一等勿答唯謀反太

逆不用此書又詔曰比起陵塋作靜陵也彌歷時

歲力役既廣徒隸尤勤頃雨澤不沾密雲復

散儻或在茲易曰密雲不雨自我西郊其令徒作陵者減

刑各六月是月立阜陵王代兄勃適亭侯便

為阜陵王便光武玄孫也阜陵王恢之子以順帝賜喜中封勃為適亭侯今改

封也適音子由及本傳作郡國六地裂水涌

井溢續漢志曰水溢壞城寺室屋殺人時芝

草生中黃藏府漢官儀曰中黃藏府掌幣帛金銀諸貨物也六月

太尉胡廣罷大司農杜喬為太尉秋七月勃

海王鴻薨章帝曾孫也樂安夷王寵之子立

弟蠡吾侯悺為勃海王乙未立皇后梁氏九

月丁卯京師地震太尉杜喬免冬十月司徒

趙戒為太尉戒字志伯蜀郡人也司空袁湯為司徒前

太尉胡廣為司空十一月濟陰言有五色太

鳥見于已氏續漢志曰時以為鳳皇政既衰

各屬濟陰郡故城在今宋州楚丘縣也古戎州已氏之邑也戊午減天下

死罪一等戍邊清河劉文反殺國相謝嵩欲

立清河王蒜為天子事覺伏誅蒜坐貶為尉

氏侯徙桂陽自殺尉氏縣屬陳留郡今汴州縣也前太尉李

固杜喬皆下獄死續漢志曰順帝之末京都童謠曰直如弦死道邊曲

如鉤反封侯曲如鉤謂梁冀胡廣等直如弦謂李固等陳留盜賊李堅

自稱皇帝伏誅東觀記口江舍及李堅等

二年春正月甲子皇帝加元服庚子太赦天

下賜河間勃海二王黃金各百斤河間王建勃海王悝

彭城諸國王各五十斤彭城王定公主大將軍三

公持進侯中二千石二千石將大夫即吏從

官四姓及梁鄧小侯諸大夫以下帛各有差

年八十以上賜米酒肉九十以上加帛二匹

綿三介三月戊辰帝從皇太后幸大將軍梁

冀府白馬羌寇廣漢屬國殺長吏益州刺史

率板楛蠻討破之板楛西南蠻之號夏四月丙子封

帝弟顧為平原王奉孝崇皇祀尊孝崇皇夫

人馬氏為孝崇園貴人嘉禾生大司農祭藏

說文曰帑者金布所藏之府也帑佗朗反五月癸丑北宮掖廷中

德陽殿及左掖門火車駕後幸南宮六月改

清河為甘陵立安平王得子經侯理為甘陵

王安平今定州縣也秋七月京師大水河東

言木連理冬十月長平陳景自號黃帝子署

置官屬又南頓管伯亦稱真人並圖舉兵悉

伏誅

三年春三月甲申彭城王定薨夏四月丁卯

晦日有蝕之續漢志曰在東井二十二度東

也法五月乙亥詔曰蓋聞天生蒸民不能相理

為之立君使司牧之君道得於下則休祥著

乎上庶事失其序則咎徵見乎象已上略成

閒者日食毀缺陽光晦暗朕祇懼潛思匪遑

啓處遑暇也啓跪也詩小雅傳不云乎日食

修德月食修刑公羊傳昔孝章帝愍前世禁

徙故建初之元並蒙恩澤流徙者使還故郡

沒入者免為庶民先皇德政可不務乎其自

末建元年迄于今歲凡諸妖惡支親從坐及

吏民減死徙邊者悉歸本郡唯沒入者不從

此令六月庚子詔大將軍三公特進侯其與

卿校尉舉賢良方正能直言極諫之士各一

人乙卯震憲陵寢屋秋七月庚申廉縣雨肉

續漢志曰肉似羊肺或大如手五行傳云并

法律逐功臣時則有羊禍時則有赤青赤祥

是時梁太后攝政兄冀專權枉誅李

固杜喬天下冤之廉縣屬北地郡也

丑有星孛于天市前書曰旗星中四星名曰天市京師大水

九月己卯地震庚寅地又震詔死罪以下及

亡者贖各有差郡國五山崩冬十月太尉趙

戒免司徒袁湯為太尉大司農河內張歆為

司徒歆字敬讓十一月甲申詔曰朕攝政失中災

眚連仍三光不明陰陽錯序監寐寤歎疾如

疾首監寐言雖寤而今京師廡舍死者相枕

廡舍賤役人之舍也郡縣阡陌處處有之甚違周文掩

骼之義其有家屬而貧無以葬者給直人三

十喪主布三匹若無親屬可於官墻地葬之

墻官之餘地也音奴喚而變二反表識姓名為

設祠祭又徒在作部疾病致醫藥死亡厚埋

藏民有不能自振及流移者稟穀如科列郡

檢察務崇恩施以康我民

和平元年春正月甲子大赦天下改元和平

已亥詔曰曩者遭家不造先帝早世謂順帝崩也詩

周頌曰閔予小子遭家不造鄭玄注云末惟

太宗之重深思嗣續之福詢謀台輔稽之兆

占既建明祐克定統業天人協和萬國咸寧

元服已加將即委付而四方盜竊頗有未靜

故假延臨政以須安謐幸賴股肱禦侮之助

殘醜消蕩謂建和二年長安陳景反南順管伯等謀反並伏誅民和年

綏普夫率土遐邇洽同遠覽復子明辟之義

尚書曰周公曰朕復子明辟復還也子謂成

王也辟君也謂周公攝政已久故復還明君

之政於成王今太近慕先姑歸授之法先姑

帝閻皇后也爾雅曰婦人謂夫之父曰舅夫

之母曰姑在則曰君舅君姑歿則曰先舅先

姑也及今令辰皇帝稱制群公卿士虔恭爾位

戮力一意勉同斷金金者剛之物也言人能

也易曰二人同心展也大成則所望矣詩小雅

君子展也大成鄭玄注云允信也展誠也大

成謂致太平也言誠能致太平是所望也二月扶風妖賊裴優自稱皇帝伏誅裴姓優

俗通曰裴衣甲寅皇太后梁氏崩三月車駕徙

幸北宮甲午葬順烈皇后夏五月庚辰尊博
園園貴人曰孝崇皇后秋七月梓潼山崩梓潼縣屬廣漢郡今始州縣也有梓潼水冬十一月滅天下死罪一
等徙邊戍

元嘉元年春正月京師疾疫使光祿大夫將

醫藥案行癸酉大赦天下改元元嘉二月九

江廬江大疫甲午河閒王建薨夏四月己丑

安平王得薨河閒孝王開之子初為樂成王後改曰安平京師旱

任城梁國飢民相食司徒張歆罷光祿勳吳

雄為司徒秋七月武陵蠻叛冬十月司空胡

廣罷十一月辛巳京師地震閏月庚午任城

王崇薨太常黃瓊為司空

二年春正月西域長史王敬為于寘國所殺

敬殺于寘王建故國人殺之丙辰京師地震夏四月甲寅

孝崇皇后廋氏崩庚午常山王豹薨五月辛

卯葬孝崇皇后于博陵秋七月庚辰日有食

之八月濟陰言黃龍見句陽縣名屬濟陰郡左傳曰盟于句

瀆之丘是也故城在今曹州乘氏縣北一名穀丘金城言黃龍見允

街允街縣名屬金城郡音緣皆

冬十月乙亥京師地震十

一月司空黃瓊免十二月特進趙戒為司空

右北平太守和旻坐贓下獄死

永興元年春二月張掖言白鹿見三月丁亥

幸鴻池夏五月丙申大赦天下改元永興丁

酉濟南王廣薨無子國除秋七月郡國三十

二蝗河水溢百姓飢窮流冗道路至有數十

萬戶冀州尤甚詔所在賑給之絕安慰居業

冬十月太尉袁湯免太常胡廣為太尉司徒

吳雄罷司空趙戒免以太僕黃瓊為司徒光

祿勳房植為司空十一月丁丑詔減天下死

罪一等徙邊戍是歲武陵太守應奉招誘叛

蠻降之

二年春正月甲午大赦天下二月辛丑初聽

刺史二千石行三年喪服癸卯京師地震詔

公卿校尉舉賢良方正能極言直諫者各一

人詔曰比者星辰謬越坤靈震動災異之降

必不空發勅已修政庶望有補其輿服制度

有踰侈長飾者皆宜省損長音直亮反郡縣務存

儉約申明舊令如永平故事六月彭城泗水

增長逆流張衡對策曰水者五行之道逆流者人君之恩不能下及而教逆反也

也詔司隸校尉部刺史曰蝗災為害水變仍

至五穀不登人無宿儲其令所傷郡國種燕

菁以助人食京師蝗東海胸山崩胸山名也在海州

胸山縣南九月丁卯朔日有食之詔曰朝政失中

雲漢作旱雲漢詩大雅篇名也周宣王時大旱故作詩俾彼雲漢昭回于天鄭

玄注云雲漢天河也倬然轉運於天時川靈旱渴雨故皆云夜視天河望其候焉

涌水蝗蟲孽蔓殘我百穀太陽虧光飢饉荐

臻其不被害郡縣當為飢餒者儲天下一家

趣不糜爛則為國寶其禁郡國不得賣酒祠

祀裁足太尉胡廣免司徒黃瓊為太尉閏月

光祿勳尹頌為司徒頌字公孫鞏人減天下死罪一

等徙邊戍蜀郡李伯詐稱宗室當立為太初

皇帝伏誅冬十一月甲辰校獵上林苑遂至

函谷關賜所過道傍年九十以上錢各有差

太山琅邪賊公孫舉等反叛殺長吏

永壽元年春正月戊申大赦天下改元永壽

二月司隸冀州飢人相食司隸州即洛陽勅列郡賑

給貧弱若王侯吏民有積穀者一切貸得十

分之三貸音吐得反又音徒得反以助稟貸其百姓吏民

者以見錢雇直與崔猶也王侯須新租乃償須待也

夏四月白鳥見齊國六月洛水溢壞鴻德苑

續漢志曰水溢至津城門漂流入人物時梁冀專政疾害忠良威權震主後遂誅滅也南

陽大水司空房植免太常韓續為司空翼善

反詔太山琅邪遇賊者勿收租賦復更等三

年又詔被水死流失屍骸者令郡縣鉤求收

葬及所唐突埋靡溺物故七歲以上賜錢人

二千壞敗廬舍亡失穀食尤貧者稟人二斛

巴郡益州郡山崩益州郡名也武帝置諸本無郡字者誤也秋七

月初置太山琅邪都尉官漢官儀曰秦郡有尉一人典兵禁捕

盜賊景帝更名都尉建武七年省唯邊郡律往置都尉及屬國都尉今二郡寇賊不息故

置南匈奴左臺且渠伯德等叛寇美稷美稷西可

也安定屬國都尉張奐討除之

二年春正月初聽中官得行三年服中官常侍以下

二月甲申東海王臻薨三月蜀郡屬國夷叛
秋七月鮮卑寇雲中太山賊公孫舉等寇青
兗徐三州遣中郎將段熲討破斬之冬十一
月置太官右監丞官漢官儀曰太官右監丞秩比六百石也十
二月京師地震

三年春正月己未大赦天下夏四月九真蠻
夷叛太守兒式討之戰歿遣九真都尉魏朗
擊破之復屯據日南閏月庚辰晦日有食之
六月初以小黃門為守官令置冗從右僕射

官

漢官儀曰守宮令一人黃門冗從僕射一人金秩六百石也

京師蝗秋

七月河東地裂冬十一月司徒尹頌薨長沙

蠻叛寇益陽

縣名屬長沙國在益水之陽今潭州縣也故城在縣東

司

空韓續為司徒太常北海孫朗為司空

朗字代平

延熹元年春三月己酉初置鴻德苑

漢官儀曰

苑令一人秩六百石

夏五月己酉大會公卿以下賞賜

各有差甲戌晦日有食之京師蝗六月戊寅

大赦天下改元延熹丙戌分中山置博陵郡

以奉孝崇皇園陵

博陵郡故城在今瀛州博野縣也後徙安平

大

零秋七月己巳雲陽地裂甲子太尉黃瓊免
太常胡廣爲太尉冬十月校獵廣成遂幸上
林苑十二月鮮卑寇邊使匈奴中郎將張奐
率南單于擊破之

二年春二月鮮卑寇鴈門己亥阜陵王便薨
蜀郡夷寇蠶陵殺縣令三月復斷刺史二千
石行三年喪夏京師雨水六月鮮卑寇遼東
秋七月初造顯陽苑置丞丙午皇后梁氏崩
乙丑葬懿獻皇后于懿陵大將軍梁冀謀爲

亂八月丁丑帝御前殿詔司隸校尉張彪

兵圍冀第收大將軍印綬冀與妻皆自殺衛

尉梁淑河南尹梁胤屯騎校尉梁讓越騎校

尉梁忠長水校尉梁戟等及中外宗親數十

人皆伏誅太尉胡廣坐免司徒韓演司空孫

朗下獄東觀記曰並坐不衛宮止長壬午立

皇后鄧氏追廢懿陵爲貴人家詔曰梁冀奸

暴濁亂王室孝質皇帝聰敏早茂冀心懷忌

畏私行殺毒永樂太后親尊莫二和平元年

后所居皆以永樂為稱。冀又遇絺，禁還京師。

置官屬太僕少府焉。謂太后常居博園，不得居洛陽。使朕離母子之愛，隔顧復之

恩，禍害深大，罪釁日滋。賴宗廟之靈及中常

侍單超、徐璜、具瑗、左官說文曰：寘，憂也。音工。反。今作心旁。官，即

寘，字也。今相傳音縮。唐衡尚書，令尹勲等激憤，建策內

外，協同漏刻之間，禁送泉夷。身懸首於木也。斯誠社

稷之祐，臣下之力，宜班慶賞，以酬忠勲。其封

超等五人為縣侯，勲等七人為亭侯。五縣侯，謂單超、新豐侯徐璜、武原侯具瑗、東武陽侯左官、上

蔡侯唐衡、汝陽侯七亭侯，謂尹勲、宜陽都鄉

霍，謂鄴都亭張敬、山陽西鄉歐陽參、修武亭李璋、宜陽金門虞放、宛句呂都亭周求、下邳高於是舊故恩私多受封爵。大司農黃瓊

為太尉，光祿大夫，中山祝恬為司徒。恬字伯休，盧奴

人大鴻臚，梁國盛允為司空。允字伯代初置祕書

監官。漢官儀：祕書監一人，秩六百石。冬十月壬申，行幸長安。

乙酉，幸未央宮。甲午，祠高廟。十一月庚子，遂

有事十一陵。壬寅，中常侍單超為車騎將軍。

十二月己巳，至自長安，賜長安民粟，人十斛。園陵人五斛，行所過縣三斛，燒當等八種羌

叛寇隴右護羌校尉段熲追擊於羅亭破之

東觀記曰追到積石山即與羅亭相近在今鄯州也天竺國來獻

三年春正月丙申大赦天下丙午車騎將軍

單超薨閏月燒當羌叛寇張掖護羌校尉段

熲追擊於積石大破之積石山在今鄯州龍支縣南即禹貢云導

河積石是也白馬令李雲坐直諫下獄死夏四月

上郡言甘露降五月甲戌漢中山崩六月辛

丑司徒祝恬薨七月司空盛允為司徒太常

虞放為司空放字子仲東涇人也長沙蠻寇郡界九月

太山琅邪賊勞丙等復叛寇掠百姓遣御史

中丞趙某史闕名也持節督列郡討之丁亥詔無

事之官權絕奉豐年如故冬十一月日南蠻

賊率眾詣郡降勒姐羌圍允街勒姐羌號也姐音子野反

段熲擊破之太山賊叔孫無忌攻殺都尉侯

章十二月遣中郎將宋資討破之武陵蠻寇

江陵車騎將軍馮緄討皆降散荆州刺史度

尚討長沙蠻平之

四年春正月辛酉南宮嘉德殿火戊子丙署

火丙署署名也續漢志曰丙署長七人秩大

疫二月壬辰武庫火司徒盛允免大司農种

嵩為司徒三月省冗從右僕射官未壽三太

尉黃瓊免夏四月太常劉矩為太尉甲寅封

河閒王開子博為任城王五月辛酉有星孛

于心丁卯原陵長壽門火巳卯京師雨雹東觀

記曰大如鷄子續漢志六月京兆扶風及涼

州地震庚子岱山及博尤來山並頽裂博今

縣也太山有徂巳酉大赦天下司空虞放免

前太尉黃瓊為司空穰為屬國夷寇鈔百姓

益州刺史山昱擊破之零吾羌與先零諸種

並叛寇三輔秋七月京師零滅公卿以下奉

貸王侯半租占賣關內侯虎賁羽林緹騎營

士五大夫錢各有差九月司空黃瓊免大鴻

臚劉寵為司空冬十月天竺國來獻南陽黃

武與襄城惠得昆陽樂季誅言相署皆伏誅

先零氐羌與諸種羌寇并涼二州十一月

中郎將皇甫規擊破之十二月夫餘王遣使

來屬 皇由長...

五 春正月省太官右監丞才置 壬午南

宮內署火三月沉氏羌寇張掖酒泉壬午濟

北王次薨夏四月長沙賊起寇桂陽蒼梧東

記日時攻沒蒼梧取銅虎符太守甘定刺史

俟輔各奔出城桂陽郡在桂水之陽今連州

驚馬逸象突入宮殿乙丑恭陵東闕火帝安

也 戊辰虎賁掖門火己巳太學西門自壞五

月康陵園寢火帝長沙零陵賊起攻桂陽

蒼梧南海交趾遣御史中丞盛脩督州郡討

之不剋乙亥京師地震詔公卿各上封事甲

申中藏府丞祿署火秋七月己未南宮承善

闈火爾雅曰官中門謂之闈鳥吾羌寇漢陽隴

西金城諸郡兵討破之八月庚子詔減虎賁

羽林住寺不任事者半奉勿與冬衣東觀記

師水旱疫病帑藏空虛虎賁羽林不任事者

住寺減半奉據此謂簡選疲弱不勝軍事者

留也 其公卿以下給冬衣之半艾縣賊焚燒

長沙郡縣寇益陽殺令東觀記曰時賊乘刺

守舍賊萬人以上必益陽殺長吏艾縣又零

陵蠻亦叛寇長沙已卯罷琅邪都尉官元壽

置冬十月武陵蠻叛寇江陵南郡太守李翦

坐奔北不市辛丑以太常馮緄為車騎將軍

討之假公卿以下奉又換王侯租以助軍糧

出濯龍中藏錢還之十一月馮緄大破叛蠻

於武陵京兆虎牙都尉宗謙坐贓下獄死北

虎牙都尉屯長滇那羌寇武威張掖酒泉太

尉劉矩免太常楊秉為太尉安見西羌傳

六年春二月戊午司徒种暠薨三月戊戌太

赦天下衛尉潁川許栩為司徒栩字季夏夏四

月辛亥康陵東署火五月鮮卑寇遼東屬國

秋七月甲申平陵園寢火平陵昭桂陽盜賊

李研等寇郡界武陵蠻復叛太守陳奉與戰

大破降之隴西太守孫羌討滇那羌破之八

月車騎將軍馮緄免冬十月丙辰校獵廣成

遂幸函谷關上林苑十一月司空劉寵免南

海賊寇郡界十二月衛尉周景為司空

七年春正月庚寅沛王榮薨三月癸亥隕石

于鄆夏四月丙寅梁王成薨五月己丑京師
雨雹秋七月辛卯趙王乾薨野王山上有死
龍荊州刺史度尚擊零陵桂陽盜賊及蠻夷
大破平之冬十月壬寅南巡狩庚申幸章陵
祠舊宅遂有事于園廟賜守令以下各有差
戊辰幸雲夢臨漢水還幸新野祠湖陽新野
公主魯哀王壽張敬侯廟光武姊湖陽長公主兄
魯哀王舅壽張敬侯護羌校尉段熲擊當煎
羌破之十二月辛丑車駕還宮

八年春正月遣中常侍左悺之苦縣祠老子

史記老子者楚苦縣厲鄉曲仁里人也名耳字聃姓李氏為周守藏吏有神廟故就祠之苦縣屬陳國故城在今亳勃海王悝謀反
州谷陽縣也苦音戶又如字降於癭陶王癭陶縣屬鉅鹿郡故城在今趙州丙申晦

日有食之詔公卿校尉舉賢良方正巳酉南

宮嘉德署黃龍見千秋萬歲殿火太僕左稱

有辜自殺癸亥皇后鄧氏廢河南尹鄧萬世

鄧之虎賁中郎將鄧會下獄死鄧有之護

羌校尉段熲斬朝姐羌破之三月辛巳太赦

天下夏四月甲寅安陵園寢火惠帝陵也丁巳壞

郡國諸房祀房謂祠堂也王渙傳曰時唯密

王渙濟陰東郡濟北河水清五月壬申罷太

山都尉官永壽元年置丙戌太尉楊秉薨丙辰緱

戊地裂桂陽胡蘭朱盖等復反攻沒郡縣轉

寇零陵零陵太守陳球拒之遣中郎將度尚

長沙太守抗徐等擊蘭盖大破斬之謝承書

字伯徐丹陽人少為郡佐史有膽智策略三

府表徐有將率之任特遷長沙太守風俗通

日簡大夫三抗之後漢蒼梧太守張敘為賊

所執又桂陽太守任胤背敵畏懦皆奔市閭

月甲午南宮長秋和歡殿後鈞楮掖庭辨平

署火長秋官名漢官儀曰六月段熲擊當煎

羌於湟中大破之湟水名在今秋七月太中

大夫陳蕃為太尉八月戊辰初令郡國有田

者畝斂稅錢畝十九月丁未京師地震冬十

月司空周景免太常劉茂為司空茂字叔盛

辛巳立貴人竇氏為皇后勃海妖賊盖登等

盖音古稱太上皇帝有玉印珪璧鐵券相署

置皆伏誅續漢書曰時登等有玉印五皆如白石文曰皇帝信璽皇帝行璽其

三無文字璧二十上一珪五鐵券十一十一月開王廟帶玉綬衣絳衣相署置也

壬子德陽殿西閣黃門北寺火延及廣義神

虎門燒殺人廣義神虎洛陽宮西門也在商門外表崧書曰是時連月火

次諸官寺或一日三發人夜有訛言擊鼓相驚陳蕃等上疏諫曰唯善政可以已之書奏

不使中常侍管霸之苦縣祠老子

九年春正月辛亥朔日有食之詔公卿校尉

郡國舉至孝沛國戴異得黃金印無文字遂

與廣陵人龍尚等共祭井作符書稱太上皇

伏誅東觀記曰戴異鉏田得金印到廣陵以與龍尚已酉詔曰比歲

不登人多飢窮又有水旱疾疫之困盜賊徵

發南州尤甚謂長沙桂陽零陵等郡也並屬荆州災異日食譴

告累至政亂在予仍獲咎徵其令大司農絕

今歲調度徵求及前年所調未畢者勿復收

責其災旱盜賊之郡勿收租餘郡悉半入三

月癸巳京師有火光轉行人相驚譟司隸豫

州飢死者什四五至有滅戶者遣三府掾賑

稟之陳留太守韋毅坐贓自殺夏四月濟陰

東郡濟北平原河水清司徒許栩免五月太
常胡廣為司徒六月南匈奴及烏桓鮮卑寇
緣邊九郡秋七月沈氏羌寇武威張掖詔舉
武猛三公各二人卿校尉各一人太尉陳蕃
免庚午祠黃老於濯龍宮遣使匈奴中郎將
張奐擊南匈奴烏桓鮮卑九月光祿勳周景
為太尉南陽太守成瑨太原太守劉質並以
譖弃市時小黃門趙津犯法曾考殺之司空官怨恚有司承旨奏質等

劉茂免大秦國王遣使奉獻時國王致獻

冬十二月洛城傍竹柏枯傷光祿勳汝南宣

鄴為司空鄴字伯應封東陽亭侯南匈奴烏桓率眾詣

張奐降司隸校尉李膺等二百餘人受誣為

黨人並坐下獄書名王府河內牢脩告之

末康元年春正月先零羌寇三輔中郎將張

奐破平之當前羌寇武威護羌校尉段熲追

擊於鸞鳥大破之鸞鳥縣名屬武威郡音鸞西羌悉平

夫餘王寇玄菟太守公孫域與戰破之夏四

月先零羌寇三輔五月丙申京師及上黨地

裂廬江賊起寇郡界壬子晦日有食之詔公

卿校尉舉賢良方正六月庚申大赦天下悉

除黨錮改元永康時李膺等頗引宦者子弟

丙寅阜陵王統薨秋八月魏郡

言嘉禾生甘露降巴郡言黃龍見續漢志曰

泥浴見泥水濁因相戲恐此中有黃龍語遂

紀桓帝政化衰缺而多言瑞應皆此類也先

也六州大水勃海海溢詔列郡溺死者七歲

以上錢人二千一家皆被害者悉為奴斂其

亡失穀食粟人三斛冬十月先零羌寇三輔

使匈奴中即將張奐擊破之十一月西河言

白兔見十二月壬申復癸陶王惔為勃海王

丁丑帝崩于德陽前殿年三十六戊寅尊皇

后曰皇太后太后臨朝是歲復博陵河間二

郡比豐沛

論曰前史稱桓帝好音樂善琴笙前史謂飾

芳林而考濯龍之宮薛綜注東京殿云濯龍

蘭也考成也既成而祭之設華蓋以祠浮圖

老子

淨圖今佛也續漢志曰祠老子於濯龍宮文齒為壇飾溥金銀器設華蓋之坐

用郊樂斯將所謂聽於神乎

左傳曰史墨曰國

神聽於

及誅梁冀奮威怒天下猶企其休息而

五邪嗣虐流衍四方

五邪謂單超徐璜左惟唐衡貝瑗也自非

忠賢力爭屢折姦鋒

忠賢謂李膺陳蕃竇武黃瓊朱穆劉淑劉陶等

各上書極諫以折官等姦謀之鋒也

雖願依斟流彘亦不可

得已

帝王紀曰夏帝相為羿所逐相乃都商丘依同姓諸侯斟灌斟尋氏史記曰周

癘王好利暴虐周人相與畔而襲厲王王出奔于彘言帝寵幸官豎令執威權賴忠臣李膺等竭力諫爭以免莫弒之禍不然則雖願

如夏相依斟周王流彘不可得也斟灌斟尋

國故城在今青州彘晉地也

贊曰桓自宗支越躋天祿

越謂非次也躋升也天祿天位也左

傳子家羈曰天祿不再

政移五倖刑淫三獄

倖佞也淫溢也五倖

即上五邪也三獄謂李固杜喬李雲杜眾成瑨劉質也

傾官雖積皇身

靡續

帝王紀曰紂多發美女以充傾官之室

皇后又博採官女五

六千人金無子也

桓帝紀第七終

張泉三 釐夷 校正



